



Na osnovu člana 37. i 87., stav 2. Zakona o državnoj službi u Tuzlanskom kantonu ("Službene novine TK", br: 7/17, 10/17, 10/18, 14/18 i 8/21), a na zahtjev Općinskog suda u Gračanici, Agencija za državnu službu Federacije BiH, objavljuje

JAVNI KONKURS
za popunu radnog mjesta državnog službenika
u Općinskom sudu u Gračanici

Radno mjesto:

- Stručni saradnik - administrator - 1 (jedan) izvršilac

Opis poslova: obavlja poslove sudske uprave koje mu povjeri predsjednik suda, te po ovlaštenju predsjednika suda rukovodi odjeljenjem sudske uprave; ostvaruje poslovnu komunikaciju sa sudovima, tužilaštvima i drugim državnim organima; učestvuje i brine o blagovremenoj izradi statističkih i drugih izvještaja Suda; vodi računa o materijalno-tehničkim potrebama Suda, pravilnom korištenju personalne evidencije zaposlenika u Sudu uključujući i pripravnike odnosno pripravnike/volontere; organizuje vođenje evidencija i kontrole odsustva s posla za sudije, stručne saradnike, državne službenike, namještenike i pripravnike, odnosno pripravnike/volontere; izrađuje plan korištenja godišnjih odmora sudija, stručnih saradnika, državnih službenika i namještenika; po ovlaštenju predsjednika suda obavlja poslove u vezi s pritužbama stranaka na rad zaposlenika u sudu; vodi brigu o blagovremenom zaduživanju i nabavljanju literature, vodi evidencije o nabavci i nadzire korištenje literature u biblioteci; organizuje i prisustvuje sastancima Kolegija predsjednika suda, Stručnog kolegija, Općih sjednica i izrađuje zapisnike na istim; pomaže predsjedniku suda u tehničkoj pripremi predmeta, izvršenja krivičnih sankcija te u poslovima iz radnih odnosa; vodi poslove u vezi sa procedurom prijema zaposlenika u radni odnos; obavlja i druge poslove koje mu povjeri predsjednik suda.

Kandidati moraju ispunjavati opće uvjete iz člana 38. Zakona o državnoj službi u Tuzlanskom kantonu i to:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme odnosno visoko obrazovanje najmanje prvog ciklusa Bolonjskog sistema studiranja, što se utvrđuje uredbom iz člana 10. stav (2) Zakona o državnoj službi u Tuzlanskom kantonu;
4. da je zdravstveno sposobno za obavljanje poslova predviđenih za to radno mjesto;
5. da u posljednje tri godine, od dana objavljivanja upražnjenog radnog mjesta, lice nije otpušteno iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX 1. Ustava Bosne i Hercegovine,
7. da se protiv njega ne vodi krivični postupak.

